



PANDOAN O AMEER

11 September 2012

Sii ko manga Pagari ami a manga Insan
Sa Jeddah District
Saudi Arabia

Go sii ko kalangkapan a manga Insan ko pithibarang a District sii sa doniya,

Assalamo Alaykum wa Rahmatullahi wa Barakatuho.

Sabap ko panagontaman ko kapphakabagra ko Da'wah sii ko manga Insan a go sii ko manga Muslim a kna' o ba Inampda ko ompongan.

Go sabap ko kapphakaisaisaa ko manga panamar a go manga galbk ko Da'wah sa makalbod so manga okit iyan.

Go sabap ko kiapikhira o manga pagaria a manga Inampda ko Insan sa kapakaadn sa Website a pkhidakat on so sabagi a manga kitab sii ko Islam sa giikanggonaan o manga Inampda ko Ompongan a go so kalangkapan a Muslim sii sa doniya.

Na sabap san langon na piakatokaw kami o manga pagariya ko Insan a matatago siran sa Jeddah Saudi Arabia sa kagaan a kapakalka o Insan sa Website a missnggay a rk o Insan na inipando o Ameer o Insan ankai a phakatalingoma:

1. So Website a likaan o manga Insan sa Jeddah District a bithowan iran sa *al Khutbah.com*, na gioto dn i Website a phagisaisaan o Opongan a Insan sii sa doniya.
2. So langowan a salakaw a Website a likaan o sabagi a manga Insan na paliogat a palaya dn kalkhban sa da' a ba on thatapa a kallkaan a isa bo'.
3. So manga payagan odi na katharo' a pphakapoon ko nggagiasa a Insan a go so manga toladan na so da niyan pn kidakat sa Website na phakapangni sa

Idin ko mappnto' a lompokan o Insan a zalosaw ron ko da niyan pn kapakalangkap, sii ko da pn anan kaadn na sii dn makaphangni sa Idin ko Ameer.

4. So manga kitab a inisorat o manga ulama ko Ahl as Sunnah wa al Jama'ah na aya bo' khidakat sankanan a Website.
5. So langowan o sosoan o manga Hadith a inisorat a tiarima' o Ahl as Sunnah na aya bo' khatago' sankanan a Website.
6. So manga diorobasa o Qur'an ko salakaw a basa na aya bo a khidakat on sankanan a Website na so inisorat o manga ulama o Ahl as Sunnah wa al Jma'ah.

Giankai a Pandoan na tatap a pnggolalan so rarad iyan ipoon ko tahun a kinisoratn on na taman sa da' a mabago a Pandoan o Ameer a phakadaan iyan so rarad iyan odi na pagalinn iyan so sabagi ko titayan iyan.

Wallahu Walyyut Tawfoq.

Inipando ami,



HASSANOR MAKALAPA

Ameer al Insan